

INUIT ATAQATIGIIT

INATSISARTUNI



Nuuk 15. december 2015

Inatsisartut suleriaasianni § 37 naapertorlugu Naalakkersuisunut imaattunik apequtissaqarpunga:

Naalakkersuisunut apequtit:

1.

Inatsimmi allassimavoq "saqqummiunneqarnermini" inatsit aallartinneqassasoq. Qanoq assigiinngitsunik amerlatigisunik "saqqummiunneqarnermini" paasineqarsinnaava?

2.

Sooruna Naalakkersuisut siunnersuummik tunniussinerminni "saqqummiunneqarnermini" ullorititaq ulloritikkaat, Inatsisartuni saqqummiunneqarnera pinnagu imaluunniit inatsisip pingajussaaneerreqarneraniit?
(Inatsisartuni ilaasorta Naaja H. Nathanielsen, Inuit Ataqatigiit)

Tunggavilersuutit

Aningaasanut inatsisissap amigartooruteqarnissaa matussuserniarlugu mamakujunnut akitsuusiineq isumaqatigineqarsinnaavaoq isumaqataaffigineqarnaniluunniit. Ilaasa naapertuilluannngitsutut, ilaasalu akitsuutinut allanut sanilliullugu pitsaanerutissinnaavaat, soorlu orsussamut imaluunniit neqinut akitsuusiinermiit.

Eqqumiitsortaqaqqangilaq akitsuutinut inatsisip piffissap sivikitsuinnaap iluani atuutilersinneqartarnera. Taamaaliornikkut pinaveersaartinneqartarpoq nioqqutissanik akitsuuserneqartunik "eqqanaarsartoqarnaveersaartitsisoqartarmat". Eqqumiigivarali Naalakkersuisut mamakujunnut akitsuutip 20. august aallarnerfigalugu atuutilertinneqarmat, Inatsisartut ataatsimiittarfianni saqqummiunneqarnera pinnagu.

Ullut suliffiit nalinginnaasut qulit qaangiutsinnagit akineqarnissara piumasaraara.